



## **SIARAN MEDIA**

### **PERBADANAN TABUNG PENDIDIKAN TINGGI NASIONAL (PTPTN)**

**“SSPN-i PLUS : SIMPANAN PENDIDIKAN BERSADUR PERLINDUNGAN”**

1. Kuala Terengganu, Terengganu, 7 Februari 2017 – PTPTN mengadakan penyerahan manfaat perlindungan takaful kepada waris Allahyarham Nasir bin Ali, 55 tahun yang telah meninggal dunia pada 22 Ogos 2016 yang merupakan pendeposit SSPN-i Plus dan SSPN-i. Ketika sesi penyerahan, PTPTN telah menyerahkan pengesahan pemberian manfaat perlindungan takaful SSPN-i Plus dan SSPN-i dan khairat kematian kepada anak Allahyarham iaitu Mohammad Ilyas bin Nasir, 30 tahun bertempat di UTC Kuala Terengganu.
2. Penyerahan dibuat oleh YB Dato' Dr. Shamsul Anuar bin Haji Nasarah, Pengurus PTPTN. Turut hadir Cik Mastura binti Mohd Khalid, Timbalan Ketua Eksekutif PTPTN, Encik Abdul Ghaffar bin Yusop, Pengurus Besar Kanan, Jabatan Pemasaran dan Komunikasi Strategik, Encik Yassir Azlin bin Abdul Ghafar, Pengurus Besar, Pembangunan Perniagaan, Hong Leong MSIG Takaful serta Puan Azizah binti Nasik @ Abd Rashid, Pengurus Besar Negeri, Pejabat PTPTN Terengganu.
3. Bagi memastikan masa depan pendidikan terjamin, Allahyarham telah membuka akaun SSPN-i Plus mulai Jun 2015 untuk anaknya iaitu Muhammad Suhail bin Nasir (17 tahun). Allahyarham telah membuka akaun SSPN-i Plus di bawah Paket Berlian dengan simpanan RM500.00 sebulan.
4. Melalui penabungan pendidikan SSPN-i Plus yang dibuat dan musibah yang melanda, Allahyarham telah dilindungi dengan manfaat perlindungan takaful (kematian biasa) sebanyak RM500,000.00. Selain itu, Khairat kematian juga diberikan sebanyak RM18,000.00 (kematian pendeposit) bersama nilai tunai bagi

simpanan takaful sebanyak RM1,345.51. Sehubungan itu, **jumlah keseluruhan manfaat takaful dan khairat kematian serta nilai tunai yang diterima oleh waris adalah berjumlah RM519,345.51.**

5. **Sejak dilancarkan pada 8 Jun 2015 sehingga 31 Disember 2016**, pembukaan akaun SSPN-i Plus adalah sebanyak **52,615 akaun** dengan jumlah **deposit terkumpul sebanyak RM15.8 juta** (RM19.9 juta termasuk takaful) dan jumlah **manfaat perlindungan takaful sehingga RM2.3 bilion**. Sehingga Januari 2017, sebanyak **65 tuntutan** melibatkan pelbagai kes dengan amaun **RM709,840.00** telah **berjaya diselesaikan**.
6. **Allahyarham juga semasa hayatnya telah membuka akaun SSPN-i mulai Disember 2013 untuk anak yang sama**. Di bawah skim simpanan SSPN-i, perlindungan takaful diberikan secara percuma (Ringgit ke Ringgit) ke atas pendeposit yang mempunyai simpanan RM1,000 dan ke atas.
7. **Melalui SSPN-i, Allahyarham layak mendapatkan manfaat takaful iaitu sebanyak RM6,505.20 (berdasarkan jumlah simpanan)** beserta khairat kematian sebanyak **RM2,000**. Ini menjadikan jumlah keseluruhan **manfaat takaful dan khairat kematian yang diterima bagi skim SSPN-i adalah berjumlah RM8,505.20**.
8. **Waris perlu memaklumkan kepada PTPTN sekiranya berlaku kematian atau keilatan kekal menyeluruh agar PTPTN boleh menguruskan tuntutan dan memberikan manfaat takaful serta khairat kematian kepada waris sebagaimana yang ditetapkan**. Waris/ penuntut perlu membuat tuntutan dengan melengkapkan Borang Permohonan Tuntutan Takaful SSPN-i Plus yang boleh diperolehi melalui portal rasmi [www.ptptn.gov.my](http://www.ptptn.gov.my). Borang beserta dokumen sokongan yang diperlukan hendaklah dikemukakan kepada Pejabat PTPTN Negeri/ Cawangan yang berhampiran atau diposkan ke Ibu Pejabat PTPTN, Menara PTPTN, Kuala Lumpur. Senarai pejabat PTPTN boleh diperolehi melalui portal rasmi PTPTN.

9. PTPTN sebagai sebuah Tabung Pendidikan utama negara sentiasa memikirkan kebajikan pendepositnya. Dengan keprihatinan PTPTN ini **mampu membantu meringankan beban yang ditanggung oleh waris dan anak-anak dalam memastikan masa depan pendidikan lebih terjamin walaupun ibu atau bapa (pendeposit) telah meninggal dunia/ keilatan kekal menyeluruh**. Penabungan dan perancangan kewangan merupakan dimensi penting dalam pendidikan tinggi negara bagi **mengurangkan kebergantungan kepada pinjaman pendidikan semata-mata**.
10. Produk SSPN-i Plus menawarkan **enam (6) pakej simpanan serendah RM30 sebulan iaitu hanya RM1 sehari** yang bukan sahaja untuk simpanan semata-mata, tetapi juga mempunyai perlindungan takaful yang komprehensif, dengan sumbangan premium yang murah. Keunikan produk ini bukan hanya terletak pada keistimewaan yang ditawarkan SSPN-i, iaitu pelepasan taksiran cukai pendapatan, dividen yang kompetitif, layak memohon pinjaman PTPTN dan simpanan dijamin Kerajaan, tetapi apa yang lebih menarik adalah **manfaat takaful yang akan dinikmati oleh mereka yang membuat tabungan**.
11. Manfaat takaful yang akan dinikmati adalah **manfaat bagi kematian/ ilat kekal menyeluruh akibat kemalangan sehingga RM1 juta, manfaat bagi 36 penyakit kritikal, elaun harian kemasukan hospital sehingga RM200 sehari, khairat kematian kepada pendeposit, pasangan dan maksimum 3 orang anak, perlindungan 24 jam di seluruh negara dan pelan ini tidak memerlukan pemeriksaan kesihatan (hanya perlu menjawab soalan kesihatan bagi mereka yang memilih pakej Berlian)**.
12. Skim simpanan pendidikan **SSPN-i/ SSPN-i Plus** di bawah Tabung Pendidikan utama negara ini merupakan **skim simpanan pendidikan yang sewajarnya dimiliki oleh setiap isi rumah kerana ianya menawarkan pelbagai keistimewaan dan manfaat yang baik dan menyeluruh untuk warganegara Malaysia**.